

16.06.2026

06/26

საქართველოს კომუნიკაციების
ეროვნული კომისიის
თავმჯდომარეს,
ბ- ნ გოგა გულორდავას

საქართველოს კანონმდებლობისა და „მაუწყებლობის შესახებ“ საქართველოს კანონის 70-ე მუხლის მე-4 პუნქტის შესაბამისად, შპს „სტუდია პულსი“-ს (ს/კ 205231337) მფლობელობაში არსებული ტელეკომპანია „პულსი“ წარმოგიდგენთ შემდეგ ინფორმაციას:

1) 2025 წლის საქმიანობის მოკლე ანგარიში

გაცნობებთ, რომ ტელეკომპანია „პულსი“ მაუწყებლობის დაწყების დღიდან უწყვეტ რეჟიმში ახორციელებს სამაუწყებლო საქმიანობას შესაბამისი ავტორიზაციის (ავტორიზაციის ნომერი:BR 10 -26) პირობებით.

ტელეკომპანია „პულსის“ ეთერში გადის სამედიცინო საინფორმაციო გამოშვება, აგრეთვე საკუთარი წარმოების საავტორო,შემეცნებითი სატელევიზიო პროექტები ჯანმრთელობის შესახებ.

სამაუწყებლო ბადე ყოველი კვირის პარასკევ დღეს ეგზავნება საქართველოს კომუნიკაციების ეროვნულ კომისიას შემდეგ მისამართზე - tvshedule@gncc.ge.

ტელეკომპანია „პულსის“ „მაუწყებლობის შესახებ“ საქართველოს კანონის მე-14-ე მუხლის საფუძველზე შექმნილი აქვს თვითრეგულირების კომისია. წლის განმავლობაში საჩივრები არ შემოსულა.

2) საქართველოს კანონმდებლობის , ლიცენზიის/ავტორიზაციის პირობებისა და მაუწყებელთა ქცევის კოდექსის მოთხოვნათა შესრულების შესახებ ინფორმაცია

ტელეკომპანია „პულსი“ ეთერში გასვლის დღიდან იცავს საქართველოს მოქმედ კანონმდებლობას და ჯეროვნად ასრულებს თითოეულ ვალდებულებას. კერძოდ:

ა) საქართველოს კანონმდებლობით გათვალისწინებულ მოთხოვნათა შესრულების შესახებ ინფორმაციას

ტელეკომპანია „პულსის“ ეთერში განთავსებულ კომერციულ რეკლამებთან დაკავშირებით ინფორმაცია წარდენილია მარეგულირებელ კომისიაში დადგენილი ფორმების შესაბამისად. რაც შეეხება სოციალურ რეკლამას, მისი განთავსება ტელეკომპანია „პულსის“ ეთერში განხორციელებულია საქართველოს კანონის მოთხოვნათა შესაბამისად.

შპს „სტუდია პულსი“ ყოველთვიურად საქართველოს კომუნიკაციების ეროვნულ კომისიაში წარადგენს წინა თვის საანგარიშო პერიოდის რეგულირების საფასურს („მაუწყებლობის შესახებ“ საქართველოს კანონის მე-12 მუხლის მე-5 პუნქტისა და ნორმატიული აქტების შესაბამისად).

ბ) ავტორიზაციის პირობებით გათვალისწინებულ მოთხოვნათა შესრულების შესახებ ინფორმაცია

ტელეკომპანია „პულსი“ ჯეროვნად ასრულებს ავტორიზაციის პირობებით გათვალისწინებულ მოთხოვნებს. მისი სატელევიზიო სიგნალი ვრცელდება სხვადასხვა საკაბელო ოპერატორების („ელექტრონული კომუნიკაციების შესახებ“ საქართველოს კანონის საფუძველზე ავტორიზებული პირები) მომხმარებლებისთვის შეთავაზებული პაკეტებით.

გ) „მაუწყებლობის შესახებ“ საქართველოს კანონისა და მაუწყებელთა ქცევის კოდექსით გათვალისწინებულ მოთხოვნათა შესრულების შესახებ ინფორმაცია

ტელეკომპანია „პულსი“ ასრულებს „მაუწყებლობის შესახებ“ საქართველოს კანონისა დამაუწყებელთა ქცევის კოდექსით დადგენილ ვალდებულებებს. კერძოდ, პირადი ცხოვრების ხელშეუხებლობას, არასრულწლოვანთა დაცვის ინტერესებს, რეკლამისა და სპონსორობის წესებს, ასევე სხვათა საავტორო და მომიჯნავე უფლებებს.

3) მიმდინარე წლის საქმიანობის გეგმა და დაფინანსების წყაროების შესახებ ინფორმაცია

- (1) მიმდინარე წლის საქმიანობის გეგმა - მიმდინარე წელს ტელეკომპანია „პულსი“ აპირებს ჯანდაცვისა და მედიცინის საკითხებით დაინტერესებულ მაცურებელს შესთავაზოს მრავალი სიახლე. კერძოდ, იგეგმება და უკვე წარმოების პროცესშია ახალი თოქ-შოუს გაშვება ჯანდაცვის პოლიტიკის, მედიცინის აქტუალური და მწვავე საკითხების შესახებ, აგრეთვე არხის არსებული მედიაპროექტის, „მედიდეას“ შემაჯამებელი თოქ-შოუ „ეპიკრიზი“, რომელიც სამედიცინო სამყაროს ეთიკურ დილემებს შეეხება.
- (2) დაფინანსების წყაროების შესახებ ინფორმაცია - ტელეკომპანია „პულსის“ დაფინანსების ერთადერთ წყაროს წარმოადგენს რეკლამა და სპონსორობა, რის თაობაზეც ინფორმაცია სისტემატიურად მიეწოდება კომუნიკაციების ეროვნულ კომისიას დადგენილი წესის შესაბამისად.

პატივისცემით,
შპს „სტუდია პულსის“ დირექტორი
თინათინ დაბრუნდაშვილი